

# SCRIPTA

---

**Numéro Scripta :** 708

**Auteur(s) :** Durand le Chambrier [autre]

**Bénéficiaire(s) :** Ade, veuve d'Heurtech [particulier]

**Genre d'acte :** charte

**Authenticité :** non suspect

**Datation :** 1231, septembre

**Action juridique :** vente

**Langue du texte :** latin

## Analyse

Vente, par Durand le Chambrier, à Ade, veuve d'Heurtech, d'une rente de quarante sous

## Tableau de la tradition

### Éditions principales

- a. Laffleur de Kermaingant Pierre, *Cartulaire de l'abbaye de Saint-Michel du Tréport (ordre de Saint-Benoît)*, Paris, Didot, 1880, n° CLI, p. 169-170.

Texte établi d'après a

Noverint universi, tam presentes quam futuri, quod ego Durandus Camerarius, de assensu et voluntate Liecie, uxoris mee, vendidi Ade Heurtech vidue, pro XX libris turonensium, de quibus ipsa michi satisfecit pre manibus, quadraginta solidos redditus usualis monete apud Rothomagum percipiendos et habendos dicte Ade et heredibus suis singulis annis, videlicet medietatem in Natali Domini, et aliam medietatem in Nativitate sancti Johannis Baptiste, in tenemento meo sito in parrochia Sancti Amandi, videlicet inter terram que fuit Audini Anglici et pestrinum Sancti Amandi, sicut se proportionat a vico ante usque ad terram Thome de Bonis Molentinis per retro. Licebit tamen de cetero dicte Ade et ejus heredibus omnem voluntatem suam integre de dicto redditu, sicut de proprio suo hereditagio, facere et justitiam suam in antedicto tenemento, pro redditu suo annuatim habendo terminis antedictis. Et ego et heredes mei tenemur de pacto eidem Ade et ejus heredibus jam dictum redditum adquietare. Quod ut ratum sit, actum fuit hoc anno Domini M°. CC°. XXX°. I°, mense septembri, coram Ysambardo de Luevent, tunc majore Rothomagensi, et sigillo meo et dicti Durandi, cum sigillo communie, fuit hoc confirmatum, testibus hiis.